



## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiæ & Iuris Canonici Doctoris |||  
celeberrimi, ac Ecclesiæ Ham-||burgensis quondam  
Decani**

**Krantz, Albert**

**Coloniae, 1574**

Capvt XIII.

**urn:nbn:de:hbz:466:1-11453**

qualem quantumque post stantis Romani Imperij tempora, nullus aut domi habuerit, aut in itinere duxerit Imperator. Lombardiae autem & rerum Italae administrationem Hencio filio, regi Sardinie commisit: ea iuncta conditione, ut se apud Parmam continens, quacunque ingruerent remotius agenda, per legatos ministrosque curaret. Iamque Taurinum Fridericus attigerat, cum Hencium populere Cremonenses, ut oblata Quintiani Brixianorum oppidi, furto aut prima oppugnatione, capiendi occasione, per suam ipsius solitam celeritatem diligentiamque vteretur: Sed illo haud quaquam impigriores fuere Parmenses patria extores, qui Placentinorum allata populariter ope freti, ad recipiendam patriam sunt ingressi. Inerat Parmae prætor Henricus Aretinus: cui, dicendo iuri à Friderico priuilem imposito, Hencius in Brixianos ducturus, vrbis, præsidijq; regimen demandauerat: Isq; à factionis Imperatoria Parmensisibus impulsus, structa acie extorribus ad Tarum obuijs cominus est congressus: & pralium hincidè, viribus odio maiore, cōmissum est: in quo Henricus Prætor & præsidij primores sunt interfecti. Parmensium autem Friderico studentium, non magna magis, quam crudelissima cædes commissa fuit, minimoque postea negocio extores in patriam sunt reducti.

## CAP V T X I I .

Ingressum iam alpes Fridericum petendi conciliq; quod Lugduni agebatur, gratia, auditus Parma casus, ad redditum traxit: futurum tantum existimat, vt eo in Gallijs remotissimo, Parmensium, si incalumes mansissent, exemplo, multi de Italia rebellarent: rbusq; est conatu, ceteris antehac omnibus maiore, copys vndique contrahendis. Venit enim cum omnibus Marchia

chiæ Taruisana neruis Ecelinus: Aduenere ex Sicilia Apuliaq; Saraceni, & milium sexaginta copijs Parma est cincta. Preuenerat autem consilio & prudentia, fermentem Fridericum, etiam priusquam Taurino moneret, Gregorius Montelongus, apostolicæ sedi in Lombardia legatus, quem Innocentius pontifex Aquilegi patriarchatu ornatum, apud Mediolanenses Placentinosq; iussit permanere. Eo curante, hinc Placentini, Mediolanenses: indè Bononienses, Ferrarenses, Regimi, Mutinenses præsidia immiserant Parmam celerrima, ut Fridericus illorum eruptionibus, penè quotidianis, agitatus, castra remotius fuerit communire coactus: Qua quidem castra, in magnum circuitum, fossa vallisque, primum casu, & præter intentionem munitissima, Fridericus in urbem edificata, linquere constituit: ut Parma, quam primù caperetur, funditus diruta, haec in eius locū suffecta maneret: nomenq; nouæ vrbi Victoria sive inditum: Et tutelaris sanctus, de more Christiano martyr Victor, in basilica cathedrali est nuncupatus: Victoriniq; in ea vrbe monetata fuere dicti. Continuatū est postea duos fermè annos bellū atrox, variumq; & Lombardia ac omnium Italiae perniciōissimū: omnibus, quos per Italianam partium Gibellinae, & Guelphæ labes inficerat, auxilia, non magis militum, quam pecuniarum, odio partium, vtrinque contribuentibus. Et fuit vrbs Victoria, vario gentium & rerum inusitatuarum commercio ac multitudine frequentata: quod per singulos ferē dies ex Aphrica, Mauritania, Asia, Aegypto noui homines, noua veste, nouis moribus sunt visi. Animalia etiam videntur vrbs Victoria, quæ post theatrales stantis Romani Imperij ludos Italia nō viderat: Elephantes, dromedarios, pantheras, leones, pardos, lynces, & vrsos alios:

Cum

Cum canes tunc visi, hinc magnitudine visuq; horribili, indè extrema pusillitate feruntur: Aues quoq; & rapaces, & cicures, Fridericus curauit, præter vſitatas in Italia multas: in quibus falcones, chilnonesq; astures, & gryfalci albi, & quod eam decuit maiestatem, immensa magnitudinis barbati bubones fuere conspicui. Contraxitq; ed Fridericus, habitas prius, & tunc primùm captae, speciosissimas mulieres: quibus à spadonum grege custoditis, viridaria, vineas, hortos, & conſitiones cum villis apud Victoriam urbem lautissimè procurabat. Quia tempeſtate, dum Tartari ſuis locis, & Grossoni Arabes Hierosolymam vastant, Papa expeditionem molitur in Asiam: Fridericus apud Parmam deſidet: res Germanie erant inquietissime. Nam electores Imperij, facte de Friderico priuationi innixi, Landgrauium Thuringiae, Romanorum regem designarant, cognomento Raffen. Hic iuxta Herbipolum in Ascensione Dominica à Moguntino & Colonensi archiepiscopis, & quibusdā principibus in regem affumitur: & ſubitō crux à Moguntino predicator: & à proceribus multis expeditio in terram sanctam cum cruce affumitur.

## CAPVT X I I I .

**H**enricus Thuringie Landgrauius, aduersus Fridericū electus, anno ſexto & quadragefimo poſt mille ducentos, apud Francordiam anno proximo cu- riam indixit: Sed Conradus Friderici filius, quem pa- ter poſt extinctum Henricum conſtituit regem per Ger- maniam ſub ſe regnaturum, filius Iola, quæ heredita- tem afferebat patri ac filio, vt reges Hierosolymo- rum dicerentur: is collecto exercitu, Henrico Land- grauio, iam recens electo, occurrit, cùm ad indictum ſaretur conuentum: collatāque manu superior factus

Conra-